



Služba za komunalno-stambene poslove

Broj: 12-04-1371/20
Lukavac, 09.03.2020.godine

Na osnovu člana 64. stav (1). tačka b), člana 25. i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 12-04-1371/20 od 06.03.2020.godine u otvorenom postupku javne nabavke rasadničkog materijala, a shodno članu 1. Rješenja o prenosu ovlaštenja na državnog službenika broj: 02-34-14283/20 od 06.01.2020.godine, pomoćnik Općinskog načelnika Službe za komunalno-stambene poslove, d o n o s i

O D L U K U
o izboru najpovoljnijeg ponuđača

Član 1.

Prihvata se preporuka Komisije za provođenje otvorenog postupka javne nabavke broj: 12-04-1371/20 od 06.03.2020.godine i ugovor za nabavku rasadničkog materijala (bilje, sadnice, lukovice, grmlje, drveće), dodjeljuje se ponuđaču „PROLETER“ doo Brčko, a prema ponudi broj: 03/03/20 od 04.03.2020.godine, dostavljenoj dana 05.03.2020.godine, za ponuđenu cijenu u vrijednosti od 16.989,20 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema Odluke o izboru dostaviti u roku od 7 (sedam) dana originale ili ovjerene kopije dokaza o ispunjavanju uslova iz člana 45. stav (2) tačka a) do d) Zakona o javnim nabavkama BiH, navedene u tački 12.2. Tenderske dokumentacije broj: 12-04-1371/20.

Ukoliko izabrani ponuđač ne dostavi traženu dokumentaciju u određenom roku ili je ne dostavi na propisan način, postupak javne nabavke će biti poništen.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana prijema obavještenja o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 12-02-1370/20 od 11.02.2020.godine. Javna nabavka sprovedena je otvorenim postupkom nabavke.

Procijenjena vrijednost javne nabavke bez PDV-a je 17.000,00 KM.

Obavještenje o nabavci broj: 719-1-1-3-3-25/20 objavljeno je na Portalu javnih nabavki dana 14.02.2020.godine.

Strana 1 od 2



Komisija za provođenje postupka nabavke imenovana Rješenjem broj: 02-04-19-2/20 od 21.02.2020.godine dostavila je ugovornom organu-Pomoćniku Općinskog načelnika Zapisnik o pregledu i ocjeni ponuda broj: 12-04-1371/20 od 06.03.2020.godine, Preporuku o izboru najpovoljnijeg ponuđača broj: 12-04-1371/20 od 06.03.2020.godine i Izvještaj o radu broj: 12-04-1371/20 od 06.03.2020.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da je ponuda ponuđača „FRUIT&FLOWERS-MILI“ doo Kiseljak odbačena.

Ponuđač „FRUIT&FLOWERS-MILI“ doo Kiseljak dostavio je ponudu koja nije na propisan način uvezana i numerisana, tačnije dostavio je dokumentaciju koja je ubačena u omotnicu bez uvezivanja, numerisanja i ovjere nadležnog organa, odnosno nije postupio u skladu sa tačkom 14.1. Tenderske dokumentacije gdje je propisano da se ponuda čvrsto uvezuje na način da se onemoguću naknadno vađenje ili umetanje listova.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 17.000,00 KM i da je kriterij za dodijelu ugovora najniža cijena.

Ponuđač „PROLETER“ doo Brčko dostavio je prihvatljivu ponudu sa konačnom cijenom u iznosu od 16.989,20 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 3. Pravilnika o načinu glasanja i odlučivanja Komisije za nabavke broj: 02-02-1835/20 od 03.03.2020.godine, riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić



Po Ovlaštenju Općinskog načelnika
POMOĆNIK NAČELNIKA
Mirela Bubić, dipl. pravnik

Dostaviti:

1. „PROLETER“ doo Brčko
2. „FRUIT&FLOWERS-MILI“ doo Kiseljak
3. Evidenciji i
4. Arhivi.-